

***Hajrudin Grabovica,
ministar za boračka pitanja KS***



***„Mi moramo znati ko smo, odakle smo i kamo idemo,
naša historija je putokaz za budućnost i zato moramo
naći vremena da je se prisjetimo.“***





Bosnia and Herzegovina
Federation of Bosnia and Herzegovina
CANTON SARAJEVO
Ministry of Veteran's affairs

MINISTAR

Hajrudin GRABOVICA

Telefon: +387(0)33 562-013
ministar@mbp.ks.gov.ba

SEKRETAR MINISTARSTVA

Belma ADILOVIĆ, dipl. iur.

Telefon: +387(0)33 562-011
sekretar@mbp.ks.gov.ba

Adresa: Reisa Džemaludina
Čauševića 1

Telefon: +387(0)33 562-012
Fax: +387(0)33 562-251
mbp@mbp.ks.gov.ba

www.mbp.ks.gov.ba

ID broj:

4200662450000

**POMOĆNIK MINISTRA ZA
PRAVNE, OPĆE I
ADMINISTRATIVNE POSLOVE**

Derva HUSEJNOVIĆ

Telefon: +387(0)33 562-225
derva.husejnovic@mbp.ks.gov.ba

**POMOĆNIK MINISTRA ZA
BORAČKO-INVALIDSKU ZAŠTITU**

mr. Osman Smajlović

Telefon: +387(0)33 562-252
osman.smajlovic@mbp.ks.gov.ba

**POMOĆNIK MINISTRA ZA
EKONOMSKE POSLOVE I
PROJEKTE**

Velid Imamović

Telefon: +387(0)33 562-008
velid.imamovic@mbp.ks.gov.ba

Info punkt:

Tel: +387(0)33 562-273





Sadržaj

1. Mjesečna primanja i naknade za boračku populaciju isplaćivat će se na vrijeme, najugroženijima jednokratne novčane pomoći.....	5
2. Skupština KS usvojila Prijedlog zakona o izmjenama i dopunama Zakona o dopunskim pravima boraca-branitelja BiH.....	6
3. Komentar ministra Grabovice na zakona o Izmjene i dopune Zakona o dopunskim pravima boraca-branitelja BiH.....	7
4. Uredba o izmjenama Uredbe o dodjeli sredstava za održivi povratak.....	8
5. Uredbao načinu i uvjetima subvencioniranja kamata kredita i dodjele sredstava za rješavanje stambenih potreba branioca Bosne i Hercegovine.....	9
6. Ministar prezentirao Uredbu: Prednost pri zapošljavanju za boračke kategorije	10
7. Uredba o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u KS	11
8. Instrukcija o bližoj primjeni kriterija vrednovanja prema uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo.....	12
9. Godišnjica smrti ratnog komandanta Mustafe Hajrulahovića Talijana.....	17
10. Dan kada je zvanično formirana Armija Republike Bosne i Hercegovine.....	18
11. Dan pobjede nad fašizmom, Dan Evrope i Dan Zlatnih ljiljana.....	19
12. Godišnjica osnivanja Odreda policije za specijalne namjene „Lasta“.....	20
13. Slike masakra koji se desio prije 28. godina obišle su cijeli svijet.....	20
14. Godišnjica formiranja Patriotske lige BiH.....	21
15. Godišnjica „Odbrane Donjeg Kotorca “	22
16. Jedan od najvećih ratnih heroja: 27 godina od smrti generala Safeta Zajke.....	23
17. U naselju Bistrik otkrivena spomen-ploča zlatnom ljiljanu Enveru Eni Šakiću.....	24
18. Prije 27 godina život za odbranu domovine dao je heroj Enver Šehović.....	25
19. "Odbrana BiH – Igman 2020"	26
20. Godišnjica masakra na Markalama.....	27
21. Godišnjica formiranja Prvog korpusa Armije BiH.....	28
22. Posjete boračkoj populaciji.....	30
23. Projekti u ministarstvu.....	33





30.03.2020

Mjesečna primanja i naknade za boračku populaciju isplaćivat će se na vrijeme, najugroženijima jednokratne novčane pomoći

Na današnjoj press konferenciji Vlade i Štaba civilne zaštite Kantona Sarajevo obratio se i ministar za boračka pitanja KS Hajrudin Grabovica. Kazao je kako se nalazimo u složenoj kriznoj situaciji, u kojoj ima mjesta za brigu, ali nema mjesta strahu i panici.

„Zajedno smo u ratu prošli puno toga strašnijeg i težeg. Iz ovoga moramo izaći sa što manje posljedica, a to ćemo uraditi samo ako odgovorno i disciplinovano poštujemo preporuke, naredbe i mjere institucija koje provode borbu protiv koronavirusa“, rekao je ministar Grabovica.

Naveo je i kako je boračka populacija u velikom broju rizična kategorija.

„Dio stanovništva iz naših redova je u rizičnim starosnim skupinama, dio ima hronične bolesti. Tu su i paraplegičari, amputirci, RVI te borci sa teškim oboljenjima“, precizirao je ministar Grabovica.

Naglasio je kako Ministarstvo za boračka pitanja i Vlada KS čine i učiniće sve potrebno da olakšaju i pomognu boračkoj populaciji direktno, ali i preko boračkih udruženja.

„Saradnja i komunikacija sa štabovima civilne zaštite i opštinskim BIZ-ovima je jako dobra, kao i sa Federalnim ministarstvom za pitanja borava i invalida odbrambeno-oslobodilačkog rata“, rekao je ministar.

Istakao je da će se sve što je hitno i urgentno rješavati odmah, dok će se neke aktivnosti prolongirati.

Na kraju svog obraćanja uputio je javnosti sljedeću poruku: „Pobjeđivali smo mi u nekim mnogo težim bitkama, čuvajte se, poštujte upute institucija na provođenju naredbi i odluka u vrijeme krize izazvane koronavirusom“.





Skupština KS usvojila Prijedlog zakona o izmjenama i dopunama Zakona o dopunskim pravima boraca-branitelja BiH

Zastupnici u Skupštini KS su usvojili Prijedlog zakona o izmjenama i dopunama Zakona o dopunskim pravima boraca-branitelja BiH. Ovim zakonom doći će do usaglašavanja sa federalnim zakonom koji reguliše ovu oblast, a jedna od najznačajnijih tačaka jeste da će se briga o stopostotnim RVI voditi kao zaposlenje.

"Osnovni razlog za donošenje ovog zakona je usklađivanje sa Federalnim zakonom, koji reguliše oblast boračko - invalidske zaštite, ali i poboljšanje važećeg teksta zakona, zbog uočenih nedostataka prilikom njegove primjene", pojasnio je ministar za boračka pitanja Hajrudin Grabovica.

Pravni osnov za donošenje ovog zakona sadržan je u odredbama Ustava Kantona Sarajevo, Federalnog zakona o pravima branilaca i članova njihovih porodica i Federalnog zakona o pravima demobiliziranih branilaca i članova njihovih porodica.

Prije tri godine u novembru mjesecu na snagu je stupio Zakon Federacije BiH o izmjenama i dopunama Zakona o pravima branilaca i njihovih porodica. Njime su, između ostalog, propisane definicije branilaca, dobrovoljaca, organizatora otpora i veterana. Definicije su izmijenjene i Kanton Sarajevo je u obavezi da uskladi Zakon o dopunskim pravim boraca branitelja BiH. Nakon toga, u avgustu prošle godine, stupio je na snagu Federalni zakon o pravima demobiliziranih branilaca i članova njihovih porodica.

Ovim Federalnim zakonom propisana su im prava, ali je za neka od njih precizirano da se uvjeti, način i postupak njihovog ostvarivanje uredi kantonalnim propisima, kao što je egzistencijalna naknada za bratioce koji nisu obuhvaćeni Federalnim zakonom.

"Od ukupnog broja 87.877 demobiliziranih branilaca sa područja Kantona Sarajevo na evidenciji Službe za zapošljavanje ukupno je 3.953 pripadnika oružanih snaga Republike BiH, mlađih od 57. godina", naglasio je ministar Grabovica.

Dodao je da pravo na egzistencijalnu naknadu mogu ostvariti, samo ukoliko imaju manje od 57. godina, da su bili pripadnici oružanih snaga R BiH najmanje godinu dana, da su prijavljeni kod nadležne službe za zapošljavanje najmanje godine dana prije podnošenja zahtjeva, te da imaju prebivalište na području Kantona Sarajevo i ne ostvaruju mjesečne prihode veće od 50 posto minimalne penzije isplaćene u decembru 2018.godine, što iznosi 174, 03 KM.

Prema njegovim riječima, ovim prijedlogom zakona utvrđuje se visina mjesečnog iznosa novčane egzistencije, a to je pet KM po mjesecu provedenom u oružanim snagama, što znači da je najmanja naknada 60 KM, a najveća 240 KM. U Budžetu KS za 2020. godinu je planirano 4.210.000 KM, što je prema procijeni dovoljno za ovu namjenu u tekućoj godinu.





Komentar ministra Grabovice na Izmjene i dopune Zakona o dopunskim pravima boraca-branitelja BiH

"Ukoliko bude trebao veći iznos, promijenit će se koeficijent za obračun, koji će utvrditi Vlada KS kvartalno", rekao je ministar Grabovica.

Druga značajna izmjena je personalna asistencija za ratne vojne invalide, paraplegičare i sto postotne RVI prve grupe, a kojima je priznato pravo na dodatak, njegu i pomoć drugog lica. Ovo se pravo uređuje u okviru predviđenih sredstava bez potrebe za dodatnim izdvajanjima iz Budžeta. Na primjer, prema riječima ministra Grabovice, imamo borca koji je ranjen kad je imao 22 godine i već je 24. godine nepokretan. O njemu brinu majka i sestra, a ovim zakonom će se briga o tim licima tretirati kao zaposlenje. Treća izmjena tretira se kroz donošenje posebnog propisa Vlade KS o redoslijedu ostvarivanja prava na prioritet pri zapošljavanju.

Na Službi za zapošljavanje ima prijavljeno 1.094 djece šehida i poginulih boraca. Zbog ove činjenice, Vlada Kantona Sarajevo donijet će poseban propis kojim će pri zapošljavanju prioritet imati djeca šehida, poginulih, umrlih boraca. Ukoliko se ove ne bude poštivalo propisane su i kaznene odrede.

Tako je kao jedna od većih izmjena redefinisano pravo na ostvarivanje jednokratne dugoročne beskamratne pozajmice za rješavanje stambenih potreba pravo na subvencioniranje kamata kredita za rješavanje stambenih potreba, te pravo na novčanu pozajmicu za otvaranje radnih mjesta i pravo na subvencioniranje kamata kredita za otvaranje radnih mjesta.

Također na inicijativu Saveza dobitnika ratnih priznanja "Zlatni ljiljan" i "Zlatna policijska značka" Kantona Sarajevo izmijenjen je datum prijave na Kanton za ostvarivanje prava na novčanu pozajmicu i dodjelu sredstava za rješavanje stambenih potreba i sada se kao relevantno uzima provedeno vrijeme 10 godina neprekidnog boravka u Kantonu prije dana objave javnog poziva za ostvarivanje ovog prava.

(„Službene novine Kantona Sarajevo, broj 20/20)





Uredba o izmjenama Uredbe o dodjeli sredstava za održivi povratak

Razlog za donošenje Uredbe o izmjenama Uredbe o dodjeli sredstava za održivi povratak jeste što je odredbama Zakona o dopunskim pravima boraca-branitelja Bosne i Hercegovine utvrđeno pravo na jednokratnu dodjelu sredstava za održivi povratak.

Članom 37. Zakona propisano je da lica iz člana 1. tog Zakona koja su ostvarila povratak u mjesta u kojima su imali prebivalište odnosno boravište prije početka agresije na R BiH u svrhu obezbjeđenja uvjeta za održivi povratak u istom, imaju pravo na jednokratnu dodjelu sredstava za održivi povratak, pod uvjetom da su prebivalište, odnosno boravište na području Kantona imali i na dan 06.02.1999. godine, a u skladu sa raspoloživim budžetskim sredstvima.

Uslovi za dodjelu i način realizacije su propisani Uredbom o dodjeli sredstava za održivi povratak („Službene novine Kantona Sarajevo” br. 17/03, 27/04 i 17/07).

U prethodnom periodu se pojavio problem sa realizacijom u smislu da poslovne banke putem kojih je bila predviđena realizacija prava ne pokazuju interes za ovakvom vrstom posla, vjerovatno zbog neisplativosti (male zarade), tako da se npr. u 2019. godini niti jedna banka nije javila na poziv Ministarstva za boračka pitanja, tako da u 2019. godini nije ni bilo realizacije, a i ranije je ove poslove obično prihvatila banka koja je dobila i druge poslove od Ministarstva za boračka pitanja. Zbog navedenog se ukazala potreba za izmjenom načina realizacije ovog prava na dodjelu sredstava za održivi povratak. Poslovi koji su bili dati u nadležnost banke će nadalje provoditi nadležna stručna služba Ministarstva za boračka pitanja. Ovim izmjenama vrše se izmjene nomenklaturne prirode, kao i izmjena tehničke realizacije postojećeg prava u okviru osiguranih finansijskih sredstava, te izmjene nemaju finansijske efekte, odnosno ne uvećavaju finansijske izdatke ni na koji način.

(„Službene novine Kantona Sarajevo, broj 38/20)





Uredba o načinu i uvjetima subvencioniranja kamata kredita i dodjele sredstava za rješavanje stambenih potreba branioaca Bosne i Hercegovine

Razlog za donošenje Uredbe o načinu i uvjetima subvencioniranja kamata kredita i dodjele sredstava za rješavanje stambenih potreba branioaca Bosne i Hercegovine jeste što je odredbama Zakona o dopunskim pravima boraca-branitelja Bosne i Hercegovine utvrđeno pravo na subvencioniranje kamata kredita za rješavanje stambenih potreba i dodjelu sredstava za rješavanje stambenih potreba.

Članom 33. stav 1. Zakona propisano je da lica iz člana 1. tog Zakona pod uvjetom da imaju prijavljeno prebivalište, odnosno boravište na području Kantona, najmanje 10 godina neprekidno do dana objave javnog poziva za ostvarivanje ovog prava, imaju pravo na subvencioniranje kamata kredita ostvarenih po proceduri ovog Ministarstva putem komercijalnih banaka, kada prvi put rješavaju svoje stambeno pitanje.

Vlada Kantona Sarajevo je u skladu sa članom 36. ovog zakona dužna posebnim propisom urediti kriterije za ostvarivanje ovog prava, kriterije za prvenstvo korištenja prava, namjenu kredita čija će se kamata subvencionirati, visinu iznosa subvencije kamate, postupak i uvjete pod kojima se ovo pravo ostvaruje, uvjete za izbor najpovoljnijeg ponuđača-banke za dodjelu kredita, vrste, namjenu, postupak, uvjete i visinu sredstava za dodjelu sredstava za rješavanje stambenih pitanja, dodjele sredstava dobitnicima ratnih priznanja i odlikovanja, finansiranja, kontrole, kao i ostala pitanja od značaja za ostvarivanje ovih prava.

Zakon o izmjenama i dopunama Zakona o dopunskim pravima boraca-branitelja Bosne i Hercegovine („Službene novine Kantona Sarajevo, broj 20/20) redefinisao je prava na ostvarivanje jednokratne dugoročne beskamatne pozajmice za rješavanje stambenih potreba u pravo na subvencioniranje kamata kredita za rješavanje stambenih potreba. Također je na inicijativu Saveza dobitnika ratnih priznanja „Zlatni ljiljan” i „Zlatna policijska značka” Kantona Sarajevo izmjenjen datum prijave na Kanton za ostvarivanje prava na novčanu pozajmicu i dodjelu sredstava za rješavanje stambenih potreba i sada se kao relevantno uzima provedeno vrijeme 10 godina neprekidnog boravka u Kantonu prije dana objave javnog poziva za ostvarivanje ovog prava.

Promjenjeni su i uvjeti za dodjelu sredstava za rješavanje stambenih potreba na način da su utvrđeni novi novčani iznosi za visinu ove pomoći, te uvjeti pod kojima dobitnici ratnih priznanja i odlikovanja i članovi porodica dobitnika ratnih priznanja i odlikovanja mogu ostvariti ovo pravo.

Odredbama Uredbe propisani su korisnici ovog prava, a to su lica iz člana 1. Zakona i to: članovi porodica šehida, članovi porodica poginulih, umrlih i nestalih branioaca, ratni vojni invalidi i članovi njihovih porodica, dobitnici ratnih priznanja i odlikovanja i članovi porodica poginulih, umrlih i nestalih dobitnika ratnog priznanja i odlikovanja, branioци, demobilizirani branioци, dobrovoljaci, organizatori otpora, veterani i ratni vojni zarobljenici, kao lica zaslužnih u odbrambeno – oslobodilačkom ratu sa područja Kantona Sarajevo kao i mirnodopski vojni invalidi. Primjena ove uredbe ne zahtjeva dodatna budžetska sredstva za njenu realizaciju.

(„Službene novine Kantona Sarajevo, broj 38/20)





Ministar Grabovica prezentirao Uredbu: Prednost pri zapošljavanju za boračke kategorije

Propisano da lica iz ove uredbe imaju pravo na prvenstvo pri zapošljavanju ako se nalaze na evidenciji Službe za zapošljavanje ili su zaposlena sa nižom stručnom spremom od one koju posjeduju, da to mogu biti samo lica koja ispunjavaju opće i posebne uvjete za radno mjesto na koje se vrši zapošljavanje.

Subjekti na koje se odnosi ova Uredba dužni su svoje akte koji se odnose na zapošljavanje uskladiti sa odredbama ove uredbe u roku od 60 dana, a do tada su u obavezi neposredno primjenjivati ovu uredbu.

Najveći postotak nosi dijete šehida, poginulog, umrlog, nestalog branioca bez oba roditelja i to 50 posto.

"Ovom Uredbom propisane su i kaznene odredbe za odgovorna lica i pravne subjekte u slučaju nepoštivanja ovog prava i to da će se odgovorna lica organa ili pravnog lica zbog nepoštivanja ovog prava kazniti novčanom kaznom u visini od 5.000 KM, a pravno lice novčanom kaznom u visini od 10.000 KM. Ministarstvo će donijeti instrukciju o bližoj primjeni kriterija vrednovanja u roku od osam dana od dana stupanja na snagu ove Uredbe", istakao je ministar Grabovica, te se zahvalio Vladi KS, prije svih premijeru Mariju Nenadiću koji je u startu podržao donošenje ove Uredbe.

Naveo je podatak da se na evidenciji JU Služba za zapošljavanje KS nalazi 1.093 šehidske djece, a da je Uredbom obuhvaćeno 277 institucija u KS.

"Optimista sam i mislim da je ovo najmanje što možemo učiniti za one koji su dali svoje živote, dijelove tijela, zdravlje za našu državu BiH", rekao je ministar Grabovica.





Uredba o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo

Vlada Kantona Sarajevo na 31. Redovnoj sjednici održanoj 03. septembra donijela je ovaj propis kojim se uređuju jedinstveni kriteriji i pravila za zapošljavanje branilaca i članova njihovih porodica u institucijama u Kantonu Sarajevo.

Primjena ovih kriterija odnosi na zapošljavanje po propisima za zasnivanje radnog odnosa državnih službenika i namještenika, kao i na zasnivanje radnog odnosa na neodređeno i određeno vrijeme, u skladu sa Zakonom o radu i Uredbi koja tretira problematiku zapošljavanja na određeno vrijeme, što znači da su navedeni organi dužni provesti poseban postupak bodovanja utvrđen ovom uredbom.

Korisnici ovog prava su:

- dijete šehida, poginulog, umrlog, nestalog branioca bez oba roditelja, -lice u statusu člana porodice šehida / poginulih, umrlih i nestalih branioca, pri čemu djeca imaju prednost,
- lice u statusu ratnog vojnog invalida,
- lice u statusu demobiliziranog branitelja,
- dijete ratnog vojnog invalida i
- dijete demobiliziranog branitelja.

Navedeni korisnici uz osnovni broj bodova dodatno se boduju ukoliko su: lice u statusu dobitnika ratnog priznanja i odlikovanja, dijete dobitnika ratnog priznanja i odlikovanja, lice u statusu organizatora otpora i veterana, lice u statusu maloljetnog branitelaja i dijete umrlog demobiliziranog branitelja i ratnog vojnog invalida.

Ovo pravo korisnici mogu ostvariti bez obzira na godine života dok su sposobni za rad uz uvjet da imaju prijavljeno prebivalište/boravište u Kantonu Sarajevo.

Dalje je propisano da lica iz ove uredbe imaju pravo na prvenstvo pri zapošljavanju ako se nalaze na evidenciji Službe za zapošljavanje ili su zaposlena sa nižom stručnom spremom od one koju posjeduju, da to mogu biti samo lica koja ispunjavaju opće i posebne uvjete za radno mjesto na koje se vrši zapošljavanje.

Subjekti na koje se odnosi ova uredba dužni su svoje akte koji se odnose na zapošljavanje uskladiti sa odredbama ove uredbe u roku od 60 dana, a do tada su u obavezi neposredno primjenjivati ovu uredbu.

Vrednovanje korisnika iz ove uredbe vrši se na način da se licu nakon bodovanja po osnovu općih i posebnih kriterija, nakon provedene kompletne procedure uključujući i intervju, na ukupan broj ostvarenih bodova, u zavisnosti od pripadnosti branilačkoj populaciji, dodaju i dodatni bodovi, tako da se na ukupan broj prethodno ostvarenih bodova dodaje postotak od istih. Najveći postotak nosi dijete šehida, poginulog, umrlog, nestalog branioca bez oba roditelja i to 50%.

Ovom uredbom propisano je da nadzor nad primjenom ove uredbe ukoliko se radi o organima državne službe u Kantonu Sarajevo nadzor vrši Upravna inspekcija Ministarstva pravde i uprave Kantona Sarajevo, a ukoliko se radi o pravnim licima sa područja Kantona Sarajevo nadzor vrši Kantonalna uprava za inspekcijske poslove - Inspekcija rada.

Ovom uredbom propisane su i kaznene odredbe za odgovorna lica i pravne subjekte u slučaju ne poštivanja ovog prava i to da će se odgovorna lica organa ili pravnog lica zbog nepoštivanja ovog prava kazniti novčanom kaznom u visini od 5.000,00 KM, a pravno lice novčanom kaznom u visini od 10.000,00 KM.

(„Službene novine Kantona Sarajevo, broj 37/20)





Instrukcija o bližoj primjeni kriterija vrednovanja prema uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo

Član 1.

(Predmet Instrukcije)

Ovom Instrukcijom se utvrđuje bliži način provođenja člana 6. Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj, 37/20) (u daljnjem tekstu: Uredba).

Član 2.

(Vrednovanje)

U članu 6. Uredbe, propisuje se da se vrednovanje korisnika iz Uredbe vrši na način da se licu nakon bodovanja po osnovu općih i posebnih kriterija, nakon provedene kompletne procedure uključujući i intervju, na ukupan broj ostvarenih bodova, u zavisnosti od pripadnosti branilačkoj populaciji, dodaju i dodatni bodovi, tako da se na ukupan broj prethodno ostvarenih bodova dodaje postotak od istih i to za:

- dijete šehida, poginulog, umrlog, nestalog branioca bez oba roditelja.....50%
- lice u statusu člana porodice šehida/poginulih, umrlih i nestalih branioca, pri čemu djeca imaju prednost..... 35%
- lice u statusu ratnog vojnog invalida i to od X grupe 27,5% + 0,3% za svaku narednu grupu invalidnosti do I grupe27,5 – 30,2%
- lice u statusu demobiliziranog branitelja za 1 godinu učešća 23,5% + 0,1% za svaki mjesec učešća u Oružanim snagama.....23,5 - 27,1%
- dijete ratnog vojnog invalida od X grupe 20,5% + 0,3% za svaku narednu grupu invalidnosti do I grupe20,5 – 23,2%
- dijete demobiliziranog branitelja sa 1 godinom učešća u Oružanim snagama 16,4% + 0,1% za svaki mjesec učešća u Oružanim snagama 16,4 – 20%
- lice u statusu dobitnika ratnog priznanja i odlikovanja dobija dodatno.....10%
- dijete dobitnika ratnog priznanja i odlikovanja dodatno.....5%
- lice u statusu organizatora otpora sa učešćem od 18.09.1991. do 15.10.1991. godine dodatno.3%
- lice u statusu organizatora otpora, veterana sa učešćem od 15.10.1991. do 15.04.1992.godine dodatno po 0,3 % po mjesecu u datom periodu.....0,3 - 1,8%
- lice u statusu maloljetni branitelj dodatno..... 2%
- dijete umrlog demobiliziranog branitelja i ratnog vojnog invalida dodatno.....1%.

Član 3.

(Vrednovanje korisnika za osnovno uvećanje bodova)

Primjer vrednovanja lica iz tačke 2. ove Instrukcije ako je nakon bodovanja po osnovu općih i posebnih kriterija, uključujući i intervju ostvarilo 80 bodova:

- a) dijete šehida, poginulog, umrlog, nestalog branioca bez oba roditelja.....50%
Osnovno uvećanje $50\% = 80 + (80 \times 0,500) = 120$ bodova.
- b) lice u statusu člana porodice šehida/poginulih, umrlih i nestalih branioca, pri čemu djeca imaju prednost..... 35%
Osnovno uvećanje $35\% = 80 + (80 \times 0,350) = 108$ bodova.
- c) lice u statusu ratnog vojnog invalida i to od X grupe 27,5% + 0,3% za svaku narednu grupu invalidnosti do I grupe27,5 – 30,2%





Instrukcija o bližoj primjeni kriterija vrednovanja prema uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo

- 1) RVI X grupe sa 20% invaliditeta: uvećanje 27,5%
 $80 + (80 \times 0,275) = 102$ boda.
- 2) RVI IX grupe sa 30% invaliditeta: uvećanje 27,5 % +0,3% = 27,8%
 $80 + (80 \times 0,278) = 102,24$ boda.
- 3) RVI VIII grupe sa 40% invaliditeta: uvećanje 27,5%+ 0,6% = 28,1%
 $80 + (80 \times 0,281) = 102,48$ bodova.
- 4) RVI VII grupe sa 50% invaliditeta: uvećanje 27,5 % + 0,9% = 28,4%
 $80 + (80 \times 0,284) = 102,72$ boda.
- 5) RVI VI grupe sa 60% invaliditeta: uvećanje 27,5 % +1,2 % = 28,7%
 $80 + (80 \times 0,287) = 102,96$ bodova.
- 6) RVI V grupe sa 70% invaliditeta: uvećanje 27,5% +1,5 % = 29%
 $80 + (80 \times 0,290) = 103,20$ bodova.
- 7) RVI IV grupe sa 80% invaliditeta: uvećanje 27,5 % +1,8 % = 29,3%
 $80 + (80 \times 0,293) = 103,44$ boda.
- 8) RVI III grupe sa 90% invaliditeta: uvećanje 27,5% + 2,1 % = 29,6%
 $80 + (80 \times 0,296) = 103,68$ bodova.
- 9) RVI II grupe sa 100% invaliditeta: uvećanje 27,5% + 2,4% = 29,9%
 $80 + (80 \times 0,299) = 103,92$ boda.
- 10) RVI I grupe sa 100% invaliditeta: uvećanje 27,5 % +2,7% = 30,2%
 $80 + (80 \times 0,302) = 104,16$ bodova.

d) lice u statusu demobiliziranog branitelja za 1 godinu učešća u Oružanim snagama u periodu od 15.04.1992. do 22.04.1996. godine = 23,5% + 0,1% za svaki dodatni mjesec učešća u Oružanim snagama.....23,5 - 27,1%.

- 1) Osnovno uvećanje za demobiliziranog branitelja koji ima 1 godinu učešća u Oružanim snagama
 $23,5 \% = 80 + (80 \times 0,235) = 98,8$ bodova.
- 2) Osnovno uvećanje za demobiliziranog branitelja koji ima 23 mjeseca učešća u Oružanim snagama
 $je = 23,5\% + 11 \times 0,1\% = 24,6 \% = 80 + (80 \times 0,246) = 99,68$ bodova.
- 3) Osnovno uvećanje za demobiliziranog branitelja koji ima 35 mjeseci učešća u Oružanim snagama
 $je = 23,5 + 23 \times 0,1\% = 25,8 \% = 80 + (80 \times 0,258) = 100,64$ boda.
- 4) Osnovno uvećanje za demobiliziranog branitelja koji ima učešće u Oružanim snagama u periodu od 15.04.1992. do 22.04.1996. godine je 27,1 % = $80 + (80 \times 0,271) = 101,68$ bodova.





Instrukcija o bližoj primjeni kriterija vrednovanja prema uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo

e) dijete ratnog vojnog invalida od X grupe 20,5% + 0,3% za svaku narednu grupu invalidnosti do I grupe20,5 – 23,2%.

1) Osnovno uvećanje za dijete RVI-a X grupe sa 20% invaliditeta je $20,5\% = 80 + (80 \times 0,205) = 96,4$ boda.

2) Osnovno uvećanje za dijete RVI-a IX grupe sa 30% invaliditeta je $20,8\% = 80 + (80 \times 0,208) = 96,64$ boda.

3) Osnovno uvećanje za dijete RVI-a VIII grupe 40% invaliditeta je $21,1\% = 80 + (80 \times 0,211) = 96,88$ bodova.

4) Osnovno uvećanje za dijete RVI-a VII grupe sa 50% invaliditeta je $21,4\% = 80 + (80 \times 0,214) = 97,12$ bodova.

5) Osnovno uvećanje za dijete RVI-a VI grupe sa 60% invaliditeta je $21,7\% = 80 + (80 \times 0,217) = 97,36$ bodova.

6) Osnovno uvećanje za dijete RVI-a V grupe sa 70% invaliditeta je $22\% = 80 + (80 \times 0,220) = 97,60$ bodova.

7) Osnovno uvećanje za dijete RVI-a IV grupe sa 80% invaliditeta je $22,3\% = 80 + (80 \times 0,223) = 97,84$ bodova.

8) Osnovno uvećanje za dijete RVI-a III grupe sa 90% invaliditeta je $22,6\% = 80 + (80 \times 0,226) = 98,08$ bodova.

9) Osnovno uvećanje za dijete RVI-a II grupe sa 100% invaliditeta je $22,9\% = 80 + (80 \times 0,229) = 98,32$ boda.

10) Osnovno uvećanje za dijete RVI-a I grupe sa 100% invaliditeta je $23,2\% = 80 + (80 \times 0,232) = 98,56$ bodova.

f) dijete demobiliziranog branitelja sa 1 godinom učešća u Oružanim snagama u periodu od 15.04.1992. do 22.04.1996. godine = 16,4% + 0,1% za svaki dodatni mjesec učešća u Oružanim snagama16,4 – 20%

1) Osnovno uvećanje za dijete demobiliziranog branitelja čiji otac ima 1 godinu učešća u Oružanim snagama je $16,4\% = 80 + (80 \times 0,164) = 93,12$ bodova.

2) Osnovno uvećanje za dijete demobiliziranog branitelja čiji otac ima 23 mjeseca učešća u Oružanim snagama je $16,4\% + 11 \times 0,1\% = 17,5\% = 80 + (80 \times 0,175) = 94$ boda.

3) Osnovno uvećanje za dijete demobiliziranog branitelja čiji otac ima učešće u Oružanim snagama u periodu od 15.04.1992. do 22.04.1996. godine je $20\% = 80 + (80 \times 0,200) = 96$ bodova.





Instrukcija o bližoj primjeni kriterija vrednovanja prema uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo

Član 4.

(Dodatno vrednovanje korisnika)

(1) Lica iz tačke 2. ove Instrukcije uz osnovno uvećanje broja bodova dodatno se boduju ukoliko je:

- a) lice u statusu dobitnika ratnog priznanja i odlikovanja dobija dodatno.....10%
- b) dijete dobitnika ratnog priznanja i odlikovanja dobija dodatno.....5%
- c) lice u statusu organizatora otpora sa učešćem od 18.09.1991. do 15.10.1991.godine dobija dodatno.....3%
- d) lice u statusu organizatora otpora, veterana sa učešćem od 15.10.1991. do 15.04.1992.godine dobija dodatno po 0,3 % po mjesecu u datom periodu.....0,3-1,8%
- e) lice u statusu maloljetni branitelj dobija dodatno.....2%
- f) dijete umrlog demobiliziranog branitelja i ratnog vojnog invalida dobija dodatno.....1%.

2) Primjer vrednovanja ukoliko pored osnovnog uvećanja, lice ispunjava i neke od uvjeta za dodatno uvećanje, onda se osnovno uvećanje povećava do slijedećih maksimalnih vrijednosti:

a) Dijete šehida, poginulog, umrlog, nestalog branioca bez oba roditelja: osnovno uvećanje (50%) + dijete za roditelja dobitnika ratnog priznanja (5%) + za roditelja organizatora otpora (3%) + za roditelja organizatora otpora, veterana (1,8%) + za roditelja maloljetnog branitelja (2%) što iznosi maksimalno uvećanje od 61,8 %.

b) Član šehidske porodice: osnovno uvećanje (35%) + dijete za roditelja dobitnika ratnog priznanja (5%) + za roditelja organizatora otpora (3%) + za roditelja organizatora otpora, veterana (1,8%) + za roditelja maloljetnog branitelja (2%) što iznosi maksimalno uvećanje od 46,8 %.

c) Lice u statusu ratnog vojnog invalida: maksimalno osnovno uvećanje (30,2%) + dobitnik ratnog priznanja (10%) + organizator otpora (3%) + veteran (1,8%) + maloljetni branitelj (2%) što iznosi maksimalno uvećanje od 47 %.

d) Lice u statusu demobiliziranog branitelja: maksimalno osnovno uvećanje (27,1%) + dobitnik ratnog priznanja (10%) + organizator otpora (3%) + organizator otpora, veteran (1,8%) + maloljetni branitelj (2%) što iznosi maksimalno uvećanje od 43,9 %.





Instrukcija o bližoj primjeni kriterija vrednovanja prema uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo

e) Lice u statusu djeteta demobilisanog branitelja: maksimalno osnovno uvećanje (20%) + dijete za demobilisanog branitelja dobitnika ratnog priznanja (5%) + dijete za roditelja demobilisanog branitelja organizatora otpora (3%) + dijete za roditelja demobilisanog branitelja organizatora otpora, veterana (1,8%) + dijete za roditelja demobilisanog maloljetnog branitelja (2%) što iznosi maksimalno uvećanje od 31,8%.

f) Lice u statusu djeteta ratnog vojnog invalida: maksimalno osnovno uvećanje (23,2%) + dijete za RVI-a dobitnika ratnog priznanja (5%) + dijete za roditelja RVI-a organizatora otpora (3%) + dijete za roditelja RVI-a organizatora otpora veterana (1,8%) + dijete za roditelja RVI-a maloljetnog branitelja (2%) što iznosi maksimalno uvećanje od 35 %.

g) Lice u statusu djeteta demobilisanog branitelja: maksimalno osnovno uvećanje (20%) + dijete za demobilisanog branitelja dobitnika ratnog priznanja (5%) + dijete za roditelja demobilisanog branitelja organizatora otpora (3%) + dijete za roditelja demobilisanog branitelja organizatora otpora, veterana (1,8%) + dijete za roditelja demobilisanog maloljetnog branitelja (2%) što iznosi maksimalno uvećanje od 31,8%.

Član 5.

(Dokaz o učešću u Oružanim snagama)

Dokazivanje učešća u Oružanim snagama utvrđuje se na osnovu uvjerenja koje izdaje nadležna Grupa za pitanja evidencija iz oblasti vojne obaveze Sarajevo pri Federalnom ministarstvu za pitanja boraca i invalida odbrambeno-oslobodilačkog rata, a prema mjestu prebivališta.

Član 6.

(Uvjeti ostvarivanja prava)

Demobilizirani branitelji i djeca demobiliziranih branitelja mogu ostvariti pravo na prvenstvo pri zapošljavanju ukoliko su demobilizirani branitelji učestvovali u pripremama za odbranu ili u odbrani Bosne i Hercegovine (Oružanim snagama) minimalno godinu dana pod uvjetom da ne postoje okolnosti iz člana 36. Zakona o pravima branilaca i članova njihovih porodica („Službene novine Federacije BiH“, br. 33/04, 56/05-Ispravka, 70/07, 9/10 i 90/17).

Član 7.

(Stupanje na snagu)

Ova Instrukcija stupa na snagu narednog dana od dana donošenja a objavit će se u "Službenim novinama Kantona Sarajevo".





08.03.2020

Obilježena 22. godišnjica smrti ratnog komandanta i heroja odbrane Sarajeva Mustafe Hajrulahovića Talijana



MUSTAFA HAJRULAHOVIĆ TALIJAN
22.01.1957. – 08. 3. 1998.

Rođen je u Banjoj Luci, 22. januara 1957. godine. U rodnom gradu je završio srednju školu,

nakon čega odlazi u vojnu školu. Mornaričku vojnu akademiju završava sa najboljim ocjenama, a nakon toga školu za pomorskog diverzanta gdje postaje stručnjak za diverziju na

moru i kopnu. Kao najbolji među diverzantima postaje komandant odreda, pa zatim i divizionara. Nastavlja stručno obrazovanje, prolazi niz specifičnih kurseva, uči italijanski jezik i odlazi na školovanje u Italiju. Nešto kasnije postaje kapetan korvete. Sa početkom rata u njegovoj Bosni i Hercegovini odmah se priključuje Patriotskoj ligi BiH. Bio je prvi ratni komandant Prvog korpusa Armije RBiH i general Armije RBiH.

U Hamburgu je 8.marta 1998. godine preminuo ratni komandant i heroj odbrane grada Sarajeva Mustafa Hajrulahović Talijan od posljedica infarkta u 41. godini života, a tim povodom ministar za boračka pitanja Kantona Sarajevo Hajrudin Grabovica učenjem Fatihe i polaganjem cvijeća na njegov mezar odao počast ovom generalu.



Cvijeće su položili i brojni saborci, prijatelji, članovi porodice, te članovi Udruženja generala BiH i predstavnici svih nivoa vlasti u BiH. Talijan je bio član Patriotske lige, branilac grada Sarajeva. Bio je prvi ratni komandant Prvog korpusa Armije RBiH i general Armije RBiH.





15.04.2020

Dan kada je zvanično formirana Armija Republike Bosne i Hercegovine



Povodom 15 aprila-Dana Armije Republike Bosne i Hercegovine, predsjedavajući Skupštine Kantona Sarajevo Mirza Čelik, premijer Mario Nenadić i ministar za boračka pitanja Hajrudin Grabovica, položili su danas cvijeće na Šehidskom mezarju "Kovači", grobljima "Sveti Marko" i "Sveti Josip" kao i šehidskom mezarju "Stadion", te odali počast poginulim borcima.

Predsjedavajući Čelik kazao je da je ovo jedan od najznačajnijih datuma u historiji BiH.

"Nikada ne smijemo zaboraviti formiranje Armije RBiH, jedine legalne i legitimne vojne sile koja je odbranila Bosnu i Hercegovinu tokom agresije i koja je zaslužna za njen opstanak. Danas, kao i svake godine, polažemo cvijeće i odajemo počast svima koji su dali živote za našu zemlju", rekao je predsjedavajući Čelik, čestitajući Dan Armije.

U ime Vlade KS, premijer Mario Nenadić čestitao je Dan Armije RBiH svim građanima, posebno pripadnicima Armije i članovima porodica poginulih boraca.

Odlukom Predsjedništva BiH, 15. aprila 1992. godine, formirana je Armija Republike Bosne i Hercegovine, koja je u najtežim okolnostima barbarske agresije na našu domovinu herojski odbranila ustavni poredak RBiH, ispisujući najčasnije stranice u hiljadugodišnjem periodu postojanja BiH. Armija RBiH bila je sastavljena od jedinica Teritorijalne odbrane dijela tadašnje Patriotske lige BiH i u vrijeme rata bila je jedna legitimna vojna snaga na teritoriji BiH. Formirana je od sedam korpusa koji su obuhvatali regije: sarajevsku, tuzlansku, zeničku, travničku, mostarsku, regiju sadašnjeg Unsko-sanskog kantona i područje Konjica i okolice.



Petnaesti april je svakako jedan od najznačajnijih datuma u modernoj historiji Bosne i Hercegovine, jer su tog dana zvanično formirane snage koje su uprkos mnogo brojnijem i daleko bolje naoružanom agresoru, uspjele odbraniti zemlju i njen teritorijalni suverenitet i integritet.





09.05.2020

Dan pobjede nad fašizmom, Dan Evrope i Dan Zlatnih ljiljana

Povodom obilježavanja Dana pobjede nad fašizmom i Dana Evrope, a u okviru manifestacije „Dani Kantona Sarajevo“, delegacija Vlade Kantona Sarajevo, predvođena premijerom Mariom Nenadićem položila je danas cvijeće i odala počast na spomen-obilježjima Vječna vatra i Vraca. Pored Premijera cvijeće su položili ministar za boračka pitanja KS Hajrudin Grabovica, dopredsjedavajuća Skupštine KS Danijela Kristić i zastupnici Damir Nikšić i Vedran Jakupović.

Premijer Nenadić je uputio čestitku građanima Kantona Sarajevo, ali i Evrope, te poručio kako svi zajedno moramo istrajati u borbi protiv fašizma i sjetiti se, koliko smo Evropa i mi dali žrtava za opstanak ove ideje. To je u evropskim razmjerama, po njegovim riječima, više od 50 miliona ljudi.

Cvijeće su položili predsjedavajući Predsjedništva BiH Šefik Džaferović i član



Željko Komšić, delegacija Evropske komisije, predvođena zamjenikom Sattlera, Josepom Borrellom Fontellesom, potpredsjednik Federacije BiH Milan Dunović, Federalni ministar za pitanje boraca i invalida odbrambeno oslobodilačkog rata Salko Bukvarević, gradonačelnik Grada Abdulah Skaka, predstavnici Ambasade Rusije u BiH, delegacija SABNOR -a, te druge brojne delegacije.

Ministar za boračka pitanja Kantona Sarajevo Hajrudin Grabovica također je čestitao svim građanima Dan pobjede nad fašizmom Deveti maj, ali i Dan Zlatnih ljiljana.

Ovim povodom, predsjedavajući Skupštine Kantona Sarajevo Mirza Čelik predvodio je delegaciju Kantona Sarajevo na polaganju cvijeća u Memorijalnom centru Kovači.

Ministar Grabovica pozdravio je sve šehidske porodice, porodice poginulih boraca, ratne vojne invalide, te porodice zlatnih ljiljana, koji su dali poseban doprinos u borbi protiv fašizma koji i dalje, nažalost, postoji u različitim oblicima, a protiv kojeg se uvijek moramo boriti.






15.05.2020

Godišnjica osnivanja Odreda policije za specijalne namjene „Lasta“

Ministar za boračka pitanja Kantona Sarajevo **Hajrudin Grabovica** i Ministar MUP-a Kantona Sarajevo **Ismir Jusko** su prisustvovali 28. godišnjici osnivanja Odreda policije za specijalne namjene „Lasta“. Tom prilikom su položili cvijeće i odali počasti na šehidskom mezarju Kovači.

Na ovaj dan pomiješaju se osjećaji tuge i ponosa. Tuge, zbog gubitka naših prijatelja i braće jer su oni bili drugi dio naše porodice, a ponos što smo dali sve od sebe da doprinesemo zaustavljanju agresije na Bosnu i Hercegovinu a potom učešću u oslobađanju većeg dijela naše domovine.

Dan osnivanja jedinice je vrijeme kada se posebno sjećamo 56 pripadnika Laste kojih više nema među nama, te zajedno sa njihovim porodicama razgovaramo o njima i njihovoj nemjerljivoj žrtvi, ali i da se podsjetimo šta je Odred bio, koje su vrijednosti koje je baštiniio i koliko je uticao na živote svih koji su direktno ili indirektno bili dio Odreda.



27.05.2020

Slike masakra koji se desio prije 28.godina obiše su cijeli svijet


Prošlo je 28 godina od prvog sarajevskog masakra, u ulici Fehadija (bivšoj ulici Vase Miskina). Tog dana, s lokaliteta Borija, ispaljene su tri granate, koje su ubile 26 naših sugrađana, a ranili njih 108, dok su čekali u redu hljeb.

Bilo je to prvo masovno stradanje građana u opkoljenom Sarajevu tokom agresije od 1992. do 1995. godine, a slike ovog maskara, obiše su cijeli svijet.

Ovim povodom, delegacija Kantona Sarajevo koju su činili premijer Kantona Sarajevo Mario Nenadić, ministar za boračka pitanja Hajrudin Grabovica, dopredsjedavajući Skupštine Smiljana Viteškić, Danijela Kristić i Vibor Handžić, te zastupnici Bilsena Šahman i Damir Nikšić položili su danas cvijeće na mjesto masakra, te odali počast ubijenim Sarajlijama.

Poručeno je kako imena ubijenih i 27. maj 1992.godine nikada ne smijemo zaboraviti.

To majsko jutro je, prema svjedočenju preživjelih, pa su mnogi građani izašli i niko nije ni slutio da će se dogoditi jedan od najvećih agresorskih zločina za vrijeme četverogodišnje opsade grada.





10.06.2020

Godišnjica formiranja Patriotske lige BiH

Povodom obilježavanja godišnjice formiranja Patriotske lige Bosne i Hercegovine, ministar za boračka pitanja Kantona Sarajevo **Hajrudin Grabovica** je na Šehidskom mezarju Kovači položio cvijeće i odao počast svim poginulim borcima za Bosnu i Hercegovinu.

Pripadnici Patriotske lige BiH prvi su stali u odbranu, prihvatajući tako prvi udar nadolazeće agresije na međunarodno priznatu državu BiH, nakon čega je uslijedilo formiranje Teritorijalne odbrane i Armije Republike Bosne i Hercegovine.

U tadašnjem Domu policije u Sarajevu, 10. juna 1991. godine, formiran je Savjet za nacionalnu odbranu u kojem je bilo sedam članova. Potom je Krizni štab odbrane grada Sarajeva preuzeo naziv Patriotska liga regije Sarajevo. Uloga Patriotske lige je značajna i u odbrani



12.06.2020

Godišnjica Patriotske lige Ilidža

Prigodnim programom upriličenim ispred centralnog spomen obilježja na Ilidži, u prisustvu brojnih delegacija, obilježena je 29. godišnjica Patriotske lige Ilidže.

Delegaciju Kantona Sarajevo predstavljali su predsjedavajući Skupštine KS **Mirza Čelik** i ministar za boračka pitanja KS **Hajrudin Grabovica**, koji su ispred centralnog spomen-obilježja na Ilidži položili cvijeće i odali počast šehidima i poginulim borcima, koji su dali živote za odbranu Ilidže, a i cijele Bosne i Hercegovine.

Načelnik Općine Ilidža Senaid Memić istakao je važnost Patriotske lige koja je djelovala u tajnim uslovima, ali s jasnim ciljem, pružiti otpor onima koji su željeli uništiti BiH.





13.06.2020

Godišnjica „Obrane Donjeg Kotorca“

Predsjedavajući Skupštine Kantona Sarajevo Mirza Čelik i ministar za boračka pitanja Hajrudin Grabovica danas su zajedno sa predstavnicima boraca, ratnih vojnih invalida, članova porodica šehida i poginulih boraca, te njihove rodbine i prijatelja na dostojanstven način memorijalno-historijskim susretom obilježili godišnjicu Bitke za Kotorac, odnosno „Obrane Donjeg Kotorca“.

Svi prisutni položili su cvijeće na spomen-obilježje u Donjem Kotorcu, kao i na mezarje i spomen-obilježje u Butmiru. Proučena je i hatma-dova šehidima i umrlim borbicima Armije Republike Bosne i Hercegovine. Na ovaj način odati su dužno poštovanje braniteljima Donjeg Kotorca, ali i cijele Bosne i Hercegovine.



„Bitka za Kotorac, mogu reći da je ona jedna od najvažnijih bitaka u historiji Bosne i Hercegovine, kada je sačuvan grad Sarajevo, a s njim i sve institucije naše zemlje. Da je nekim slučajem neprijatelj prošao kroz ovaj dio Kotorca, danas BiH ne bi imala ovakve konture. Zbog toga, hvala svim pripadnicima boračkih udruženja koji i danas njeguju i podsjećaju na sve naše heroje koji su dali svoje živote za odbranu jedine nam domovine BiH“, naglasio je predsjedavajući Čelik ovom prilikom.

Ministar Grabovica je najavio kako će Skupština i Vlada KS podržavati sve manifestacije ovog tipa, kako svojim prisustvom, tako i konkretnom podrškom njihovoj organizaciji izraženom u novčanim sredstvima planiranim pri Ministarstvu za boračka pitanja KS za ovu namjenu.



Još jednom su se svi prisutni podsjetili na taj dan kada se vodila sudbonosna bitka i ključna odbrana ovog dijela ilidžanske teritorije, čijim bi zauzimanjem Sarajevo bilo potpuno odsječeno i blokirano, a postojanje BiH upitno. Istaknuto je i kako je ovaj značajan datum ujedno i godišnjica formiranja 4. motorizovanog bataljona 4. viteške motorizovane brigade, kao i Dan mjesne zajednice Donji Kotorac.






17.06.2020

Jedan od najvećih ratnih heroja:


Obilježeno 27 godina od smrti generala Safeta Zajke



SAFET ZAJKO
1.3. 1959. – 17. 6. 1993.

Safet Zajko rođen je 1. marta 1959. godine u selu Gaočić kod Rudog. Po zanimanju je bio metalac. Poginuo je na dužnosti komandanta 2. viteške motorizovane brigade, 17. juna 1993. godine, prilikom izviđanja neprijateljskih položaja na Mijatovića kosi, u jednom od najisturenijih rovova na brdu Žuč.(1) Ratno priznanje *Zlatni ljiljan* dobio je 1992. godine, a posthumno je odlikovan i Ordenom heroja oslobodilačkog rata 1994. godine, kao brigadni general ARBiH.

Ministar za boračka pitanja Kantona Sarajevo Hajrudin Grabovica položio cvijeće na mezar generala Zajke u haremu Alipašine džamije, kao i ispred Centralnog spomen – obilježja šehidima i palim borcima Općine Novi Grad





26.06.2020

U sarajevskom naselju Bistrik otkrivena spomen-ploča zlatnom ljiljanu Enveru Eni Šakiću



ŠAKIĆ ENVER

Rođen je 24.07.1960. godine u Sarajevu a poginuo 15.05.1992. na Alipašinom polju u Sarajevu, kao vojnik, na dužnosti komandira čete Teritorijalne odbrane Stari Grad - Sarajevo. Posthumno je 1994. godine odlikovan najvišim ratnim priznanjem „Zlatni ljiljan” i „Ordenom za vojne zasluge sa zlatnim mačevima” i dodijeljen mu je čin majora. 26.06.2020.godine je na Bistriku otkrivena spomen-ploča postavljena ispred objekta poznatog po nazivu “Pjaf”, odnosno na kući Baličevac, u kojem je Enver - Eno Šakić sa saborcima osnovao jedinicu Zelenih beretki “Pjaf - Bosnae 22”, koja će kasnije učestvovati u odbrani svih dijelova našeg grada. Ovom prilikom, ministar za boračka pitanja Kantona Sarajevo **Hajrudin Grabovica** i federalni ministar za pitanje boraca odbrambeno-oslobodilačkog rata Salko Bukvarević položili su cvijeće i odali počast, u znak sjećanja na sve poginule pripadnike ove jedinice. Preživjeli saborci, pripadnici pomenute jedinice, su nakon toga evocirali uspomene na dane u kojima je Sarajevo bilo pod opasodom, ali i na početke formiranja i organiziranja otpora kako bi se suprotstavili agresoru.

Komandant ove borbene formacije Zelenih beretki, rahmetli Eno Šakić poginuo je 15. maja 1992. godine, a nosilac je Ordena za vojne zasluge sa zlatnim mačevima i dobitnik najvećeg ratnog priznanja “Zlatni ljiljan”.





28.07.2020

Prije 27 godina život za odbranu domovine dao je heroj Enver Šehović




ENVER ŠEHOVIĆ
15. 1. 1967. – 27. 7. 1993.



Enver Šehović, sin Zahida i majke Iše, rođen je 15. januara 1967. godine u selu Bujakovina, u općini Foča.

Imao je brata Edhema i sestru Zehru. Nakon osnovne škole upisuje Srednju vojnu školu u Sarajevu, a potom završava i Vojnu akademiju u Beogradu. Sa suprugom Zinetom imao je kćerku Dalilu. U 25. godini pridružio se Teritorijalnoj odbrani Bosne i Hercegovine. Bio je prepoznatljiva nit nastanka i razvoja 13. novosarajevske brigade od koje je poslije nastala Prva slavna i viteška motorizovana brigada. Poginuo je u odbrani brda Žuč, 27. jula 1993. godine. Odlikovan je najvišim ratnim priznanjem Zlatni ljiljan, a posthumno i Ordenom heroja oslobodilačkog rata.

U okviru obilježavanja 27. godišnjice pogibije brigadiru Armije Republike Bosne i Hercegovine Envera Šehovića, ministar za boračka pitanja Kantona Sarajevo Hajrudin Grabovica je položio cvijeće na mezar generala Šehovića u haremu Alipašine džamije.





06.i 07.08.2020

”Odbrana BiH – Igman 2020”

Manifestacija ”Odbrana BiH – Igman 2020” u budućnosti treba da ima dugotrajan karakter, da ne budu samo dani sjećanja, poručio je ministar za boračka pitanja Kantona Sarajevo Hajrudin Grabovica sa planine Igman.

Mi moramo živjeti naše pobjede, u uslovima u kakvim jesmo. Bez obzira na dešavanja, tu smo da se prisjetimo onih koji su učinili najviše onda kada je bilo najpotrebnije, rekao je Grabovica, te se prisjetio nedavno preminulog federalnog ministra za boračka pitanja Salke Bukvarevića.

Hajrudin Grabovica je također podsjetio na značaj igmanske bitke. "Odbrana Igmana znači odbranu Bosne i Hercegovine. Napad na Igman 1993. i stvaranje tzv. dubokog prstena i blokada glavnog grada - u tom smislu glavni grad Sarajevo bi bio doveden u beziizlaznu situaciju pa samim tim i Bosna i Hercegovina", prisjetio se Grabovica.

Imao je poruku za građane.

"Oni koji su bili sudionici rata imaju obavezu da udahnu dušu u nišane i mladim naraštajima prenesu doživljaje i događaje. Da istinski svjedočimo onome što se ovdje događalo", zaključio je Grabovica.

Pripadnik Četvrte viteške motorizovane brigade Esad Delić prisjetio se ratnih dešavanja naglašavajući čast bosanskog vojnika. Pripadnik Armije RBiH sigurno je najčasniji vojnik u Evropi koji nije pravio nikakva zlodjela – rekao je Delić.

Naglasio je da je planina Igman sveta planina na kojoj je svaki pedalj natopljen krvlju onih koji su branili Bosnu i Hercegovinu.



Generalni sekretar manifestacije Hamdija Hasanović je podsjetio da su ovogodišnja dešavanja uslovljena pandemijom i da su ispoštovane preporuke kriznih štabova.

Rekao je da je program skraćen te da je stanovništvo pozvano da podršku da iz svojih kuća.

Današnje aktivnosti manifestacije ”Odbrana BiH – Igman 2020” održane su na Igmanu gdje su odate počasti na šehitlucima i spomen-obilježjima. Odata je počast na Grkarici, Proskoku, Velikom polju, Mrazištu i Brezovači.





28.08.2020

25. godišnjica masakra na Markalama

Na današnjoj press konferenciji Vlade i Štaba civilne zaštite Kantona Sarajevo obratio se i Povodom obilježavanja 25. godišnjice masakra na Markalama, delegacija Kantona Sarajevo koju su činili premijer Mario Nenadić, ministar za boračka pitanja Hajrudin Grabovica, ministrica pravde i uprave Mersa Kustura, te dopredsjedavajuće Skupštine KS Danijela Kristić i Smiljana Viteškić, položila je danas cvijeće na mjesto masakra u ulici Mula-Mustafe Bašeskije do broja 64, i na taj način zajedno sa rodbinom, prijateljima, komšijama i drugim delegacijama svih nivoa vlasti odala počast minutom šutnje i učenjem fatihe stradalim Sarajlijama.



Ispred sjevernog ulaza u Gradsku tržnicu minobacačka granata kalibra 120 mm ispaljena sa agresorskih položaja usmrtila je 43 naša sugrađanina, dok ih je teže i lakše ranjeno 84.

Damir Malagić je u to vrijeme imao 15 godina. Prodavajući svijeće u tržnici, prisjeća se kako je neposredno prije masakra ispratio dvojicu prijatelja, Adnana i Darija.

Premijer Nenadić je naglasio da su na današnji dan prije 25 godina nevini ljudi, koji su trpjeli okupaciju i patnju, u djeliću sekunde nastradali, a porodice rasturene.

Na Markalama je godinu dana ranije, 5. februara 1994. godine također počinjen masakr kada je, u padu granate ispaljene sa srpskih položaja na prepunu gradsku pijacu, ubijeno 68 građana Sarajeva, a njih 144 ranjeno.

Za ratne zločine nad stanovnicima Sarajeva, uključujući i dva masakra na Markalama, Međunarodni sud u Haagu osudio je visoke oficire Vojske Republike Srpske - Stanislava Galića na doživotni zatvor, a Dragomira Miloševića na 29 godina.





01.09.2020

28. godišnjica formiranja Prvog korpusa Armije RBiH



Polaganjem cvijeća na Spomen obilježje poginulim pripadnicima Armije RBiH i MUP-a RBiH u periodu 1992 – 1995. godine, te na mezar prvog predsjednika Predsjedništva BiH Alije Izetbegovića na Šehidskom mezarju na Kovačima počelo je svečano obilježavanje 28. godišnjice formiranja Prvog korpusa Armije RBiH.

Brojne delegacije su danas odale počast poginulim i polaganjem vijenaca, učenjem Fatihe i minutom šutnje još jednom se sjetili boraca i branitelja koje su dali živote za odbranu Bosne i Hercegovine, kao i svih civila koji su svoje živote ugradili u temelje naše domovine.

U ime Predsjedništva BiH vijence su položili predsjedavajući Predsjedništva BiH Šefik Džaferović i član Predsjedništva BiH Željko Komšić. Počast svim poginulim polaganjem cvijeća odali su i predsjedavajući Skupštine Kantona Sarajevo Mirza Čelik, ministar za boračka pitanja KS Hajrudin Grabovica, ministar MUP-a KS Ismir Jusko, delegacije općine Centar te predstavnici brojnih općinskih i kantonalnih boračkih udruženja i organizacija.

Cvijeća šehidima i poginulim borcima Armije RBiH položeno je i na mezarju kod Alipašine džamije, na groblju „Lav“, na mezarju „Stadion“, te na



grobljima „Sveti Josip“ i „Sveti Marko“.

Općinske delegacije su na spomen-obilježjima i mezarjima/grobljima položile cvijeće i odale počast šehidima i poginulim borcima Armije RBiH na područjima svih općina Kantona Sarajevo.

U organizaciji Ministarstva za boračka pitanja KS upriličeno je postrojavanje počasnog voda i vjerskog obred za poginule branitelje te akademija u Amfiteatru Memorijalnog kompleksa Kovači.





18.09.2020

Obilježena 28. godišnjica pogibije heroine Fadile Odžaković – Žute

Polaganjem cvijeća na Centralni nišan na mezarju Lav i na mezar Fadile Odžaković - Žute, danas je obilježena 28. godišnjica pogibije heroine našeg odbrambeno-oslobodilačkog rata.



Među brojnim delegacijama, Kanton Sarajevo predstavljali su dopredsjedavajuća Skupštine Smiljana Viteškić i ministar sa boračka pitanja Hajrudin Grabovica.

Fadila Odžaković - Žuta rođena je 14. marta 1958. godine u Goraždu.

Ova sarajevska heroína na početku agresije Armiji Republike Bosne i Hercegovine priključila se kao medicinarica, te tako postala pripadnica tadašnje pofaličko-velešićke brigade.

Odžaković je teško ranjena na lokalitetu Orlića na Žući 18. septembra 1992. godine, prilikom previjanja jednog od boraca na prvoj liniji, a u bolnici je preminula dva dana kasnije.



Posthumno je odlikovana najvišim ratnim priznanjem “Zlatni ljiljan” i “Ordenom zlatnog grba sa mačevima”.





03.04.2020

Ministar Grabovica posjetio porodicu demobilisanog borca Safeta Porobića i obećao pomoć

Ministar za boračka pitanja Kantona Sarajevo Hajrudin Grabovica obišao je danas demobilisanog borca Safeta Porobića i njegovu porodicu.

Ovaj demobilisani borac i njegova supruga su teško oboljeli zbog čega im je potrebna cjelodnevna njega i pomoć.

Ministar Grabovica je obećao da će Ministarstvo za boračka pitanja poduzeti sve što je moguće kako bi im se to obezbijedilo.

Ovom prilikom, porodici Porobić uručio je paket pomoći sa osnovnim životnim namirnicima.



10.04.2020

Ministar Grabovica posjetio ratnog vojnog invalida Borisa Rajkovića

Ministar za boračka pitanja Kantona Sarajevo Hajrudin Grabovica obišao je danas stopostotnog ratnog vojnog invalida Borisa Rajkovića. Rajković je nakon teškog ranjavanja 1994. godine, kao pripadnik Armije RBiH, ostao nepokretan, te je nažalost izgubio i moć govora. Od tada brigu o njemu vodi majka. Ministar Grabovica je istakao ovom prilikom kako će učiniti sve što može da pomogne ovom borcu i njegovoj majci u cilju osiguranja i nabavke neophodne opreme za njegovu njegu. Ovom prilikom, porodici Rajković je uručio i paket pomoći.





05.06.2020

Ministar Grabovica posjetili ratnog vojnog invalida kvadriplegičara Ferhata Aletovića i Hanču Hošić, majku umrlog RVI paraplegičara Muhameda Hošića

Ministar za boračka pitanja Kantona Sarajevo Hajrudin Grabovica i predsjednik Saveza ratnih vojnih invalida paraplegičara Elvis Sudar danas su posjetili ratnog vojnog invalida kvadriplegičara Ferhata Aletovića i Hanču Hošić, majku umrlog RVI paraplegičara Muhameda Hošića.



Ovom prilikom, ministar Grabovica uručio im je jednokratne pomoći te ih informisao o novousvojenom pravu „Personalne asistencije za ratne vojne invalide – paraplegičare i ratne vojne invalide 100 posto I grupe kojima je priznato pravo na dodatak za njegu i pomoć od drugog lica”.

Tokom razgovora ministar je najavio da će se za personalne asistente angažovati nezaposlene osobe sa evidencije Službe za zapošljavanje Kantona Sarajevo, s tim da će se tražiti da to budu prvenstveno djeca ratnih vojnih invalida.

Na kraju posjete im je poručio kako će uvijek imati podršku i pomoć Ministarstva za boračka pitanja.





15.04.2020

Povodom Dana Armije RBiH, ministri Grabovica i Bukvarević posjetili ratnog vojnog invalida Prandu i roditelje šehida Juge

Povodom 15. aprila - Dana Armije Republike Bosne i Hercegovine, danas je ministar za boračka pitanja Kantona Sarajevo Hajrudin Grabovica sa federalnim ministrom za pitanja boraca i invalida odbrambeno-oslobodilačkog rata Salkom Bukvarevićem posjetio ratnog vojnog invalida Seada Prandu.



Ovaj nekadašnji pripadnik Armije RBiH je 60 postotni ratni vojni invalid, koji danas živi u teškim uslovima sa nezaposlenom suprugom i petoro djece.

Najstarije dijete u ovoj porodici ima 13 godina, a najmlađe dvije godine.

Ovom prilikom, ministar Grabovica uručio im je konkretnu pomoć koja podrazumijeva osnovne prehrambene i higijenske potrepštine.

U pratnji ministara, u ovoj posjeti bili su i predsjednici Saveza ratnih vojnih invalida Kantona Sarajevo Nedžad Škrijelj i Saveza RVI Federacije Bosne i Hercegovine Esad Delić.

Nakon ove posjete, ministar Grabovica je tokom dana obišao i roditelje šehida Behiju i Husniju Jugo, te i njima uručio konkretnu pomoć.

U prigodnom razgovoru s njima kazao je kako će im uposlenici Ministarstva koje predvodi, a i on sam, uvijek biti na raspolaganju za svaku vrstu podrške i pomoći, posebno u ovim vanrednim okolnostima jer oni, kao i većina drugih roditelja naših



poginulih sinova, pripadaju stanovnicima treće životne dobi.





30.06.2020

Programa mjera sufinansiranja zapošljavanja i održavanja postojeće zaposlenosti u boračkim zadrugama sa područja Kantona Sarajevo



Ministar za boračka pitanja Kantona Sarajevo Hajrudin Grabovica potpisao je danas ugovore sa predstavnicima 12 zadruga. Ovim je osigurano zaposlenje na period od najmanje 12 mjeseci za 18 pripadnika boračke populacije. Također je za još 42 pripadnika, koji su već zaposleni u zadrugama, omogućeno sufinansiranje plaća i pratećih zakonom propisanih obaveza po osnovu poreza i doprinosa za period od šest mjeseci.

Ministarstvo nastavlja realizaciju Programa mjera sufinansiranja zapošljavanja i održavanja postojeće zaposlenosti u boračkim zadrugama sa područja Kantona Sarajevo za 2020/2021. godinu.

“Ovaj program ima za cilj da u skladu s mogućnostima prevaziđe otežano funkcionisanje društvene zajednice usljed pandemije koronavirusa, a posebno u oblasti zaštite boračke populacije, jer su oni bili najzaslužniji u odbrani naše domovine”, poručio je ovom prilikom ministar Grabovica.

Dodao je kako Vlada KS i na ovaj način nastoji sanirati posljedice koronavirusa na području Kantona Sarajevo.

Podsjetio je i kako je Ministarstvo raspisalo Javni poziv za realizaciju mjere sufinansiranja održavanja postojeće zaposlenosti u boračkim zadrugama sa područja Kantona Sarajevo, kao i onaj kojim će biti omogućena realizaciju mjera sufinansiranja zapošljavanja boračke populacije u boračkim zadrugama u KS.





23.07.2020

Kupuje se više od 40 stanova: Ministarstvo za boračka pitanja kupuje stanove borcima u KS

Ministarstvo za boračka pitanja Kantona Sarajevo danas je na web stranici objavilo Javni poziv za prikupljanje ponuda za kupovinu stanova koje dodjeljuje u vlasništvo ili na korištenje pripadnicima boračke populacije u KS.

U Budžetu KS za 2020. godinu, resorno ministarstvo je za ove namjene planiralo sredstva u iznosu od 3.553.439 KM, od čega će 3.000.000 KM osigurati kreditnim zaduženjem, saopćeno je iz press službe KS.

Ukoliko cijena stanova na tržištu bude kao i u prethodnom periodu, ovim sredstvima će kupiti više od 40 stanova.

Podsjećaju, Zakonom o dopunskim pravima boraca-branitelja Bosne i Hercegovine propisano je da određene boračke kategorije imaju pravo na dodjelu stana u vlasništvo ili na korištenje.

Trenutno to pravo može ostvariti 196 osoba, od kojih su 22 roditelja šehida i poginula boraca, 32 ratna vojna invalida i 142 supruge šehida i poginulih boraca.





16.09.2020

“Oficir, a veliki džentlmen”

16.09.2020.godine u Domu mladih Skenderija premijerno prikazan film “Oficir, a veliki džentlmen”. Film je posvećen generalu Mustafi Hajrulahoviću Talijanu, ratnom komandantu Prvog korpusa Armije BiH i njegovom neizmjernom doprinosu odbrani Sarajeva i BiH, a urađen je u produkciji Udruženja “Haber” pod pokroviteljstvom Ministarstva za boračka pitanja KS i ostalih sponzora. U film su uključene brojne izjave i svjedočenja prijatelja i saboraca Mustafe Hajrulahovića koje govore o njegovom životnom putu sa posebnim osvrtom na period odbrane BiH.



25.09.2020.godine

Građevinski materijal za 180 pripadnika boračke populacije u Kantonu Sarajevo

Ministarstvo za boračka pitanja Kantona Sarajevo ugovorilo je sa izabranim dobavljačem „Senigor“ d.o.o. Sarajevo nabavku, transport i isporuku građevinskog materijala za pripadnike boračke populacije Kantona Sarajevo.

Riječ je o pomoći za 180 pripadnika boračke populacije koji su prethodno ispunili sve uslove po osnovu javnog poziva za dodjelu ove vrste pomoći u 2020. godini, kao i uslove

propisane Zakonom o dopunskim pravima boraca – branitelja Bosne i Hercegovine.



Za realizaciju tog njihovog prava Ministarstvo za boračka pitanja je izdvojilo 613.080,00 KM sa uračunatom vrijednosti PDV-a.





Aktuelni Projekti u ministarstvu

1. Ažurirane su Liste korisnika prava na dodjelu stana u vlasništvo i trenutno je na listama evidentirano 198 lica koja čekaju dodjelu stana, i jednom licu je dodijeljen stan na korištenje,



2. Rješavanje stambenih potreba pripadnika boračke populacije dodjele jednokratnih bespovratnih sredstava u vidu građevinskog materijala obrađeno je 611 zahtjeva, (potpunih zahtjeva 229 a negativnih 383), izvođenje građevinskih radova i pružanje građevinskih usluga obrađeno je 37 zahtjeva, (potpunih zahtjeva 15 a negativnih 22 i u toku su radovi na 10 objekata), udruživanje sredstava za kupovinu stambene jedinice obrađeno je 49 zahtjeva, (potpunih zahtjeva 16 a negativnih 33), za plaćanje priključka na infrastrukturnu mrežu (voda i kanalizacija, električne energije i gas) za ostvarivanje ovih prava u 2020. godini zaprimljeno ukupno 168 zahtjeva a do sada je upućeno na realizaciju 109 priključaka (el.energija 46, vodovod i kanalizacija 39, gas 24 priključaka.), za banjsko liječenja do sada je zaprimljeno 1048 zahtjeva, obrađeno je 720 zahtjeva, (pozitivno riješeno 472 a negativno 248), zaprimljeno je 2640 zahtjeva za jednokratnu novčanu pomoć za rješavanje socijalnih potreba, (obrađen 1651 zahtjev, pozitivno 1412, negativno 239), zaprimljeno je 11 zahtjeva za plaćanje troškova stanarine (9 zahtjeva pozitivno riješeno), za jednokratnu novčanu pomoć u plaćanju troškova u procesu odbrane zaprimljeno je 30 zahtjeva (pozitivno riješeno 29, negativno 1), za plaćanje troškova vanrednog i samofinansirajućeg školovanja zaprimljeno je 67 zahtjeva (pozitivno riješeno 31), za prioritet u zapošljavanju zaprimljeno je 104 zahtjeva (pozitivno riješeno 104).





Aktuelni Projekti u ministarstvu

3. Na web stranici i u dnevnim novinama („Dnevni Avaz“) objavljeni su javni pozivi pojedincima za ostvarivanje dopunskih prava i to: za podnošenje zahtjeva za ostvarivanje određenih prava porodica šehida i poginulih boraca, ratnih vojnih invalida i demobilisanih boraca u Kantonu Sarajevo za 2020. godinu, za jednokratnu dodjelu sredstava za održivi povratak, za podnošenje zahtjeva za ostvarivanje prava na obezbjeđenje jednokratne novčane pomoći u vidu prehrambenih i higijenskih artikala boračkoj populaciji u Kantonu Sarajevo (zaprimljeno 1801 zahtjeva, pozitivno rješeno 1766, negativno 35), za podnošenje zahtjeva za ostvarivanje prava na obezbjeđenje ogrjeva boračkoj populaciji u Kantonu Sarajevo (zaprimljeno 1792), za podnošenje zahtjeva za ostvarivanje prava na jednokratnu bespovratnu dodjelu sredstava za rješavanje stambenih potreba boračkih populacija u Kantonu Sarajevo, za finansiranje/ sufinansiranje programa i projekata kantonalnih i drugih boračkih udruženja, odnosno udruženja od interesa za boračku populaciju Kantona Sarajevo za 2020. godinu (podnijet 61 zahtjev).



4. Za realizaciju plana javnih nabavki objavljeni su pozivi kojima je okončano 5 postupaka a 3 postupaka su toku.
5. Potpisani su i sporazumi o plaćanju infrastrukturnih priključaka sa svim komunalnim javnim preduzećima i to: JP „Elektoprivreda BiH“ Podružnica „Elektro distribucija“ Sarajevo, KJKP „Sarajevogas“ doo Sarajevo, JKP „Komunalac“ doo Hadžići, JKP „Vodostan“ doo Ilijaš, KJKP „Vodovod i kanalizacija“ doo Sarajevo.
6. Potpisani su Sporazumi o snošenju troškova javnog gradskog prijevoza do kraja 2020. godine sa KJKP Gras d.o.o. i Centrotrans-Eurolines d.d. Sarajevo putem kojih se ostvaruje pravo na besplatan javni gradski prevoz na području Kantona Sarajevo (za 712 lica).






Aktuelni Projekti u ministarstvu

7. Putem kantonalnih boračkih udruženja članica Koordinacionog odbora boračkih udruženja Kantona Sarajevo osigurana je urgentna pomoć za najugroženija lica iz boračke populacije pogođena pandemijom (podrškom za odgovarajuće projekte u okviru podrške po prijavi na javni poziv za podršku projektima nevladinog sektora)
8. Uz podršku, odnosno saglasnost Vlade Kantona Sarajevo putem općinskih službi za oblast boračko-invalidske zaštite osigurano je pružanje pomoći licima iz boračke populacije pogođenim pandemijom koronavirusa i njenim posljedicama u ukupnom iznosu do 100.000 KM.
9. Nastavljene su aktivnosti na rješavanju problema nenaplaćenih potraživanja po osnovu odobrenih kredita za otvaranje novih radnih mjesta pri čemu je u prethodnom dijelu godine dato 16 saglasnosti za rješavanje dugovanja na način sporazumne otplate u skladu sa mogućnostima dužnika, u izradi su još 4 sporazuma o poravnanju duga sa dužnicam protiv kojih se sudski postupci za naplatu duga.
10. Vršena je kontinuirana isplata mjesečne naknade za mjesečna novčana primanja za nosioce ratnih priznanja, ratnih vojnih invalida sa pravom na tuđu njegu i djecu bez oba roditelja (prosjek perioda 938 korisnika), isplata mjesečnog dječijeg dodatka za djecu RVI-da 20-80% (u prosjeku za 1185 korisnika za 1857 djece), odgovarajuća isplata stipendija za 1930 stipendista, isplata za troškove dženaza sahrana (po osnovu 462 rješenja), za doprinose za obavezno zdravstveno osiguranje (prosjek za 2676 lica), isplate za troškove vještačenja stepena invalidnosti RVI-da u postupku ostvarivanja i reviziji prava na ličnu invalidninu te vještačenje radne nesposobnosti tokom realizacije (za 72 lica).
11. Izmjenama i dopunama Zakona o dopunskim pravima boraca-branitelja Bosne i hercegovine („Službene novine Kantona Sarajevo”, br. 45/12 - prečišćeni tekst, 26/14, 46/17, 18/19 i 20/20) usvojenim krajem maja tekuće godine u Kantonu Sarajevo je uvedeno pravo na novčanu egzistencijalnu naknadu nezaposlenim braniocima mlađim od 57 godina. Od mjeseca juna korisnici podnose zahtjeve koji se obrađuju shodno predviđenoj proceduri, te po obavljenom nadzoru (2560 zahtjeva) unose u sistem za plaćanje i isplaćuju na mjesečnoj osnovi. Za mjesec juli za plaćanje je bilo obrađeno 1.374 korisnika, a za mjesec august 2.212, kojima se isplaćuje od 60 KM (za 12 mjeseci učešća) do 275 KM (za 55 mjeseci ušešća). Broj korisnika prava će biti znatno veći jer je do sada općinskim službama predato preko 3000 zahtjev.
12. Na osnovu dostavljenih općinskih zahtjeva i operativno raspoloživih sredstava plaćaju se troškovi rente i uređenja kod legalizacije (odgovarajuća tranša za 215 lica po zahtjevima iz 2016., i 2017. godine) i kod nove gradnje objekata (5 korisnika).
13. Ministarstvo je obezbijedilo realizaciju „Kalendara za obilježavanje značajnih događaja, datuma i ličnosti iz perioda odbrambeno-oslobodilačkog rata 1992.-1995. godine na području Kantona Sarajevo“ i „Kalendara za obilježavanje značajnih datuma i ličnosti iz perioda narodno-oslobodilačkog rata 1941.-1945. godine na području Kantona Sarajevo“.





FOND KANTONA SARAJEVA ZA STIPENDIRANJE I
ŠKOLOVANJE DJECE BORACA, POGINULIH BORACA I
POGINULIH CIVILA - ŽRTAVA RATA "IKRE"
WAR VICTIMS' CHILDREN SCHOLARSHIP FUND - "IKRE"

COVID-19 se lakše širi na nekim mjestima, izbjegavajte ih:



Mjesta na kojima se okuplja veći broj ljudi.



Mjesta na kojima su ljudi u bliskom kontaktu,
posebno mjesta na kojima ljudi razgovaraju
na maloj međusobnoj udaljenosti.



Mjesta sa ograničenim ili zatvorenim prostorom
sa lošim provjetranjem.

Budite svjesni rizika u različitim sredinama. Rizik je veći na mjestima gdje je prisutno nekoliko faktora.

